

DOKTOREGO TESIAK EGITEKO KONTRATAZIO DEIALDIA **UPV/EHU-REN ETA TOTAL E&P RESEARCH DEVELOPMENT** **ENPRESAREN ARTEKO LANKIDETZARAKO** **HITZARMENAREN ESPARRUAN**

1. oinarria. DEIALDIAREN XEDEA

2017ko abenduaren 17an Gobernu Kontseiluan onetsitako UPV/EHUren eta TOTAL E&P RESEARCH DEVELOPMENT enpresaren artean sinatutako lankidetzarako hitzarmenaren testuinguruan, deialdi publiko bat abian jartzen da doktorego aurreko kontratu bat formalizatzeko, I. eranskinean zehaztutako proiektuan doktorego tesi bat egitera zuzenduta.

Xede horretarako, deialdi honen ondorioz hautatzen den pertsonak UPV/EHU indarrean dauden doktorego tesiak egiteko araudia bete behar izango du. Era berean, deialdi honetan jasotzen ez diren gaietarako, UPV/EHU langile ikertzaileak prestatzeko kontratazio deialdiaren (2017) arau orokorrak aplikatuko dira.

2. oinarria. ESKATZAILEEN BETEBEHARRAK

Eskaera aurkezteko unean eskatzaileek bete behar dituzten baldintzak:

2.1. Baldintza hauetako bat betetzea:

- a. **Doktoregora bide emango duen proiektuaren gaiekin lotura zuzena duen unibertsitateko titulu baten jabe izatea, 2014ko urtarrilaren 1etik aurrera lortu izan bada.** Salbuespenez, titulua aurretik lortu izatea onetsiko da baldin eta laneko eremuan nahiz ikerlanean proiektuaren gaiekin lotutako ibilbide bat egin dela frogatzen bada. IGBBk (Ikerketa, Garapen eta Berrikuntza Batzordea) balioetsiko ditu baldintza hau betetzen dela zehazteko zirkunstantziak, baita titulazioa proiektura egokitzen ote den ere.
- b. **Doktoregora bide emango duen proiektuaren gaiekin lotura zuzena duen unibertsitateko titulu baten jabe izatea, 2011ko urtarrilaren 1etik aurrera lortu izan bada, eta 2011ko urtarrilaren 1etik 2014ko urtarrilaren 1era arte hiru urtetik beherako seme-alabak zaintzen aritu izana ziurtatzea.** IGBBk (Ikerketa, Garapen eta Berrikuntza Batzordea) balioetsiko du titulazioa proiektura egokitzen ote den.

2.2. Eskatzailearen batez besteko nota 6,5 edo hortik gorakoa izatea.

Espediente akademikoak 1 eta 10 arteko batez besteko nota jasoko ez balu, espediente akademikoaren batez bestekoa kalkulatu egingo da irakasgai bakoitzean lortutako zenbakizko kalifikazioa biderkatuz irakasgai bakoitzaren kreditu kopuruarengatik eta lortutako produktu guztiak batu eta kalifikazioaz gainditutako kredituen guztirako kopuruarengatik zatituz. Plan ez berrituen kasuan, batez besteko nota kalkulatzeko lortutako kalifikazioen batura zatituko da gainditutako irakasgaien kopuru osoarengatik.

Espedientearen batez bestekoa kalkulatzeko, balioetsi edo egokitu ez dituen unibertsitateak kalifikatu ez dituen baliokidetu edo egokitutako irakasgaien kasuan, jatorrizko ikasketetan edo ikastegian lortutako kalifikazioak konputatuko dira, baldin eta dokumentalki egiaztatu ahal bada. Dokumentalki egiaztatu ezin balira, "nahiko" kalifikazioaz gainditu direla ulertuko da.

Era berean, espedientearen batez besteko kalkulari dagokionean, ez dira aintzat hartuko beste espezialitateetako irakasgaietan lortutako notak, ez eta masterreko ikasketetan ere.

Ikasketak atzerrian egin dituzten eskatzaileen kasuan, ANECaren ziurtagiri ofizialean agertzen den espediente akademikoaren batez bestekoa hartuko zaie aintzat.

2.3. Doktore tituluaren jabe ez izatea.

2.4. Doktore ez diren langile ikertzaileak kontratatzeke bekarik edo laguntzarik ez jasotzea edo jaso ez izana, prestatzeko edo doktorego tesi bat egiteko helburuz.

2.5. Europar Batasuneko herritarrak ez diren eskatzaileen kasuan, **Espainian lan egiteko alde aurretik baimen administratibo baten jabe izatea**, 4/2000 Legeak, urtarrilaren 11koak, Espainiako atzeritarren eskubideei eta askatasunei eta haien gizarteratzeari buruzkoak ezarritakoaren arabera, abenduaren 22ko 8/2000 Lege Organikoak emandako idatzian.

Kontratua sinatzeko unean eskatzaileak bete behar dituen baldintzak:

2.6. I. eranskinaren arabera, doktorego programan matrikulatuta egotea. **Eskatzailearen ardura izango da aipatutako programan sartu eta onartzeko eskaera egitea, horretarako epean eta forman. Halakorik ziurtatu ez izanak laguntza ez ematea dakar berekin.** Aurreko **baldintza guztiak** betetzen ez dituzten edo legezko epean eta eran egiaztatzen ez dituztenak hautaketa prozesutik at geratuko dira.

3. oinarria. KONTRATUAREN EZAUGARRIAK

3.1. Eskainiko den lan kontratua ZTBLren 21. artikulua arautuko du. Kontratututako langileak prestakuntzan dauden doktorego aurreko langile ikertzaileak hartuko dira.

3.2. Kontratuduna, beraz, UPV/EHUren sail, institutu edo guneren batean sartuko da, doktorego tesirako bere ikerketa proiektua Total E&R Research Development enpresaren instalazioetan ere garatu ahal izateko kalterik gabe, enpresak baimenduta betiere.

3.3. Kontratua arduraldi osokoa izango da. UPV/EHUren eta Total E&R Research Development enpresaren artean sinatutako hitzarmenarekin bat etorritik, kontratuaren iraupena hiru urtekoa izango da, izaera orokorrean.

Kasu guztietan, kontratuaren jarraitasuna aurrekontu erabilgarria edukitzearen menpe egongo da, Total E&R Research Development enpresaren finantzaketatik eratorria baita, 1. Oinarrian ezarritakoaren arabera.

Nolanahi ere, kontratua luzatuko bada, ezinbesteko baldintza izango da I. eranskinean adierazitako doktorego programan matrikula urtero egitea. **Ez da programa aldaketarik onartuko luzapena egiteko.**

3.4. UPV/EHUK ezin izango du inor kontratatu mota honetako kontratuen bidez lau urtetatik gora, beti ere zenbatuta beste erakunderen batean kontratu modalitate honen bidez izandako aldia.

3.5. Aldi baterako lanerako ezintasunak, haurdunaldiko arrisku egoerak, amatasunak, umeen adopzioa edo harrerak, edoskitzaroko arrisku egoerak eta aitatasunak gelditu egingo dute epearen zenbaketa kontratuaren iraupenari dagokionez.

3.6. Ikerketaren arloko Errektoreordeak eten ahal izango dio beka interesatuari sei hilabetez gehienez ere, bekadunak horretarako eskaera arrazoitua eginez gero. Hori eginez gero, etenaldi hori ezingo da berreskuratu eta laguntza ebazpenean ezarritako epean amaituko da. Laguntzaren etenaldian zehar baja emango da Gizarte

Segurantzaren Etenaldiaren ondoren laguntza berriz jasotzeko izapideak egin ezean, bekari uko egin zaiola ulertuko da, eta automatikoki emango zaio baja. Nolanahi ere, laguntza eteteko Total E&R Research Development enpresaren berriazko baimena behar izango da.

3.7. Formalizatzen diren kontratuen ordainsari gordina 25.233 euro izango da hiru urteetako bakoitzean. Ordainsari hori urteko hamalau hilerokotan banatuko da.

4. oinarria. ESKAEREN EDUKIA

4.1. Eskakerak IAeren webgunean eskura daitezkeen eredu arautuetan bete behar dira: <http://www.ikerkuntza.ehu.eus>

Eskaera egiteko formularioa (II. eranskina) paperezko euskarrian eta PDF gisa aurkeztu beharko da, eskuz idatzitako jatorrizko sinadurekin edo ziurtagiri elektronikoen bidez sinadura digitalekin. Eskara egiteko formularioa **eskaeraren zati eta ataltzat hartuko da, eskaeraren gutxieneko edukia izanik**. Epearen barruan eta eraz aurkeztu ezean, bazterrean utzi ahal izango da eskaera, zuzentzeko epean gehitu edo aldatu ahal izateko aukerarik gabe.

4.2. Era berean, honako agiri hauek ere gehitu beharko dira PDF formatuan, CD, DVD edo pendrive batean, eta Erregistro bulegoan entregatu beharko da:

- a. ***Doktoregora sarbide ematen duen titulazio edo titulazioetako ziurtagiri akademiko pertsonala***, non lortutako kalifikazio guztiak eta horiei dagozkien datak agertzen diren. Ziurtagiriak agertu behar du eginiko irakasgai eta kreditu guztiek osatzen dutela titulazio osoa. **Kasuan kasuko ikasketak UPV/EHU n egin dituzten hautagaiek ez dute agiri hau aurkeztu beharrik.**
- b. 2.1.b) oinarrian adierazitako salbuespenetako bat alegatuko luketen eskatzaileek, aurrekoaz gain eta norberaren kasua zein den, ***espezialitateko tituluaren kopia edo berorren ziurtagiri ofiziala*** agertu beharko dute edo hiru urtetatik beherako seme-alaben zaintzan aritu izanarena (***familia liburua***ren ***fotokopia***).
- c. Atzerrian zatika edo osorik egindako ikasketen kasuan, gainera, ***atzerrian egindako unibertsitate titulazioen batez besteko nota baliokidearen ziurtagiria aurkeztu beharko da, Kalitatea Ebaluatu eta Egiaztatze***ko ***Estatuko Agentziak (ANECA)*** emana. Dokumentu hau ANECaren webgunearen bidez lortu ahal da: <http://www.mecd.gob.es/mecd/servicios-al-ciudadano-mecd/catalogo/general/educacion/203615/ficha.html>
- d. ***Eskatzaileen Curriculum Vitae***a. Agiri hau ingelesez aurkeztu ahal izango da Ekonomia, Industria eta Lehiakortasunaren ministerioaren ohiko formatuan. Txantiloia IAeren webgunetik jaitsi ahal da.
- e. ***NANaren, atzerritarren identifikazio zenbakiaren edo pasaportearen kopia***.
- f. ***Europar Batasuneko herritarrak ez diren eskatzaileek Espainian bizitzeko eta lan egiteko administrazio baimena aurkeztu beharko dute laguntza ebatzen denetik hiru hilabeteko epean gehienez***, Espainian dauden atzerritarren eskubide eta askatasunei eta haien gizarteratzeari buruzko urtarrilaren 11ko 4/2000 Legean ezarritakoaren arabera, abenduaren 22ko 8/2000 Lege Organikoak emandako idazketan.

Atal honetan eskaturiko dokumentazioa besterik ez da ebaluatuko. Hortaz, ez da eskatutakoaz besteko dokumentazioa aurkeztuko, ez baita inola ere aintzat hartuko.

4.3. Eskatzaileek euskaraz, gaztelaniaz edo ingelesez aurkeztu ahal dute eskaera. Beharrezkoa izanez gero, IAek UPV/EHUren Euskara Zerbitzuari aginduko dio euskaraz aurkeztutako eskaerak gaztelaniara edo ingelesera itzultzea. Itzulpena jaso

eta gero, posta elektronikoz helaraziko zaio eskatzaileari, eskaerak adierazitako helbide elektronikoen bidez.

Bost egunen epea izango du itzulpena berrikusi eta adostasuna agertzeko. Epe hau kontatzeko, aintzat hartuko da postaren gestoreak mezu elektronikoa ematerakoan emititzen duen egiaztatzea. Epe hori iraganik, ulertuko da eskatzailea ados dagoela itzulpenarekin.

5. oinarria. ESKAERAK AURKEZTEA

5.1. Paperezko euskarrian egindako eskaera formalki erregistratuko da baldin eta UPV/EHUko Ikerkuntzarako errektoreordeari bidali bazaio, Araba, Bizkai eta Gipuzkoako campusetan dauden erregistro nagusietako batean edo UPV/EHUren 2012ko maiatzaren 16ko ebazpenean (EHAA, 2012ko ekainaren 18koa) aipatzen diren bulegoetako batean aurkeztuta; nahi izanez gero, Administrazio Publikoen Administrazio Prozedura Erkideari buruzko urriaren 1eko 39/2015 Legearen 16.4 artikulua araberaren aurkez daitezke.

Eskaerak edozein posta bulegotan ere erregistratuko ahal dira. Horrelakoetan, dokumentazioa gutun irekian aurkeztuko da, posta zerbitzuko pertsonalak eskaeraren lehenengo orria zigitatuko badu. Ondoren, posta ziurtatuaren bidez bidaliko da helbide honetara:

Universidad del País Vasco/Euskal Herriko Unibertsitatea
Ikerketaren arloko Errektoreordetza
Ikerketako Deialdien Atala
Errektoregoaren eraikina
Sarriena auzoa, z.g.
48940 Leioa (Bizkaia)

Fase honetan, **eskaera-formularioa osorik beteta ez aurkeztea arrazoia izango da hautaketa prozesutik at uzteko.**

6. oinarria. ESKAERAK AURKEZTEKO EPEA

Eskaerak aurkezteko epea 2018ko urtarrilaren 30era artekoa izango da.

7. oinarria. EBALUAZIO IRIZPIDEAK

Kontratuen esleipenerako, honako irizpide hauek hartuko dira aintzat:

Irizpideak	Gehieneko puntuazioa
1. Espediente akademikoko batez besteko nota haztatua (masterra kontuan hartu gabe). (ikus a eta b oharra)	50 puntu
2. Proiektuaren gaiekin lotutako jardueretan izandako esperientzia eta curriculum (1. irizpidean balioetsitako espediente akademikoa kontuan hartu gabe)	20 puntu
3. Euskara maila (ikus c oharra)	5 puntu
4. Beste hizkuntza batzuetako maila (ikus d oharra)	5 puntu
5. Elkarrizketa	20 puntu
GUZTIRA	100

IGBBk beharrezkotzat jotzen badu, eskaera kopurua handia delako, gutxieneko puntuazio bat ezarri ahal izango da 1. eta 2. irizpideetan, elkarrizketa puntuazio hori gainditzen dutenei bakarrik egiteko moduan, eta gainditzen ez dutenak hautaketatik at geratuko lirarteke, beraz.

(a) Oharra: Espediente akademikoko batez besteko nota haztatua (balorazio irizpideen lehenengo atala) eskatzaileak egindako titulazioaren arabera normalizatuko da, aurreko ikasturteetan UPV/EHU-n titulazio hori egin duten ikasleen batez besteko notak erabiliz.

Eskaerako titulazioa ez badago UPV/EHU-n, edo titulazio horri dagozkion batez besteko noten kopurua ez bada adierazgarria, aurreko ikasturteetan UPV/EHUko titulazioetan lortu diren batez besteko notak erabiliko dira normalizaziorako.

NORMALIZAZIORAKO ERABILITAKO FORMULAK:

NK_eskatzalea: Eskatzailearen espediente akademikoaren normalizazio koefizientea.

BatezBestekoNota_eskatzalea: Eskaeran adierazitako espediente akademikoaren batez besteko nota haztatua.

BatezBestekoNota_titulazioa: Eskaerako titulazioaren espediente akademikoetako batez besteko nota haztatuen batez bestekoa.

NK_gutx: Titulazio guztietarako gutxieneko normalizazio koefizientea.

NK_geh: Titulazio guztietarako gehieneko normalizazio koefizientea.

DesbEstandarra_titulazioa: Eskaerako titulazioaren azken urteetako espediente akademikoetako batez besteko nota haztatuen desbideratze estandarra.

NotaNormalizatua_eskatzalea: 9.1, 9.2 eta 9.3 oinarrietan ezarri diren gainerako irizpideetan jasotako puntuazioei gehitutako normalizazioaren ondoriozko emaitza, puntuazio orokorra lortzeko (bi hamartarretan biribildua).

NK_eskatzalea =

$$(BatezBestekoNota_eskatzalea \times 10) - (BatezBestekoNota_titulazioa \times 10)$$

$$\frac{\quad}{DesbEstandarra_titulazioa}$$

NotaNormalizatua_eskatzalea =

$$50 \times \frac{(NK_eskatzalea) - (NK_gutx)}{(NK_geh) - (NK_gutx)}$$

Ondoren, titulazio bakoitzeko normalizatutako puntuazio guztiak zerrenda bakar batean bilduko dira, handienetik txikienera ordenatuta.

Titulazio bat baino gehiago egin badituzte, proposatzen den ikerketa proiektuaren gaiekin erlaziorik estuena duena erabiliko da normalizaziorako.

(b) Oharra: Espainiako unibertsitate sistematik at lortutako espedienteen kasuan, aipatutako 1. irizpidean Kalitatea Ebaluatu eta Egiaztatzeko Agentzia Nazionalak (ANECA) atzerrian egindako unibertsitate ikasketen batez besteko nota baliokideak kalkulatzeko zerbitzuaren bidez esleitutako balioa aplikatuko da, baldin eta baliokidetzat hori beharrezkoa bada lehiaketa prozesu batean aurkeztu ahal izateko.

ANECAk igorritako egiaztagiria deialdiaren 4. oinarrian adierazitako gainerako dokumentazioarekin batera erantsi beharko da.

Ziurtagiri hori aurkeztu ezean, 1. irizpideari dagokionean 10 puntu esleituko dira.

(c) Oharra: Adierazitako puntuazioa lortzeko, euskara mailaren egiaztagiria aurkeztu behar da, honako hauen arabera:

- C1 mailaren edo goragokoaren egiaztagiria eta baliokideak: 5 puntu.
- B2 mailaren egiaztagiria eta baliokideak: 3 puntu.
- Ez da kontuan izango adierazitakoak baino maila baxuagoko egiaztagiririk.

Egiaztagiriei dagokienez, azaroaren 9ko 297/2010 Dekretuan ezarritako baliokidetasunak hartuko dira kontuan (297/2010 Dekretua, euskararen jakite maila egiaztatzen duten tituluak eta ziurtagiriak baliokidetu eta Hizkuntzetarako Erreferentziazko Europako Esparru Komuneko mailekin parekatzeko dena).

(d) Oharra: Adierazitako puntuazioa lortzeko, legokiokoen hizkuntza maila egiaztatuz aurkeztu behar da, honako hauen arabera:

- C1 mailaren edo goragokoaren egiaztagiria eta baliokideak: 5 puntu.
- B2 mailaren egiaztagiria eta baliokideak: 3 puntu.
- Ez da kontuan izango adierazitakoak baino maila baxuagoko egiaztagiririk.

Egiaztagiriei dagokienez, azaroaren 9ko 297/2010 Dekretuan ezarritako baliokidetasunak hartuko dira kontuan (297/2010 Dekretua, euskararen jakite maila egiaztatzen duten tituluak eta ziurtagiriak baliokidetu eta Hizkuntzetarako Erreferentziazko Europako Esparru Komuneko mailekin parekatzeko dena).

8. oinarria. LAGUNTZEN TRAMITAZIOA ETA EBALUAZIOA

Ebaluaziorako onartu eta baztertutako eskaeren behin-behineko zerrenda:

Eskaerak aurkezteko epea bukatu ondoren, Ikerketaren arloko Errektoreordetzako Ikerketaren Gestio Zuzendaritzak aztertu egin zituen aurkeztutako eskaerak. Azterketa hau amaitu eta gero, IAEk bere webgunean emango du argitara onartu diren eta bazterrean utzi diren eskaeren zerrenda, balioespen fasera iraganen direnak.

Okerren zuzenketa:

Eskaerak aurkezteko epean zehar emandako dokumentazioa osoa ez balitz edo zuzen litezkeen erroreak edukiko balitu, IAEk eskatuko dio eskatzaileari 10 egunen epean osatu eta zuzen dezan.

Eskatzaileak ezin izango du ez hobetu ez ordezkatu lehenago aurkeztutako dokumentazioa eta eskaerak ezin izango dira inola ere berriro egin. IAEk eskatu ez duen dokumentaziorik ere ezin izango da aurkeztu.

Okerrak zuzendu beharko dira 5. oinarrian deskribatutako bitartekoak erabilia.

Ebaluaziorako onartu eta baztertutako eskaeren behin betiko zerrenda:

Agertutako dokumentazioa aztertu ondoren, bertan behera utzitzat hartuko dira epean eta eraz zuzendu edo osatu ez diren eskaerak. Behin betiko zerrenda IAEren webgunean argitaratuko da.

Ebaluazio Batzordea eta hautaketa prozedura:

7. oinarrian deskribatutako irizpideen araberako ebaluazioa IGBBk esleitutako epaimahai batek egingo du, proiektuaren arloko adituek osatuak —doktorego tesiaren zuzendaria sartuko da—, behar izanez gero IGBBk egokitzen jotako adituen laguntzarekin.

Elkarrizketan, era berean, doktorego tesiaren zuzendariak parte hartuko du.

Egindako ebaluazio txostenak IGBBri bidaliko zaizkio; hark dagokion esleipen proposamena aurkeztuko dio Ikerketaren arloko Errektoreordeari eta errektoreordeak erabakia hartuko, gero argitaratzeko.

Eskaerak puntuazio-hurrenkeraren arabera antolatuko dira, eta, hurrenkera horri jarraituz, puntuazio hoherena duen eskatzailea hautatuko da.

Hautatutako pertsonak uko egiten badu edo baztertzen bada, hoberen sailkatutako hurrengoa hautatuko da.

Hautatutako pertsonak Total E&R Research Development enpresaren oniritzia izan beharko du. Ondorio horretarako, Total E&R Research Development enpresak elkarrizketa bat eska dezake.

Kontratua hutsik geratu ahal izango da.

Behin-behineko ebazpena:

IGBBk behin-behineko ebazpenaren proposamena egingo du, IA Eren webgunean argitaratuko dena, eskatzaile guztiek lortutako behin-behineko puntuazioa adieraziz. Hautagaiek eskaeraren ebaluazio txostena eskatu ahal izango dute pre-postdoc.dgi@ehu.eus helbide elektronikora bidalitako mezuaren bidez.

Interesdunek 10 lanegunen epea izango dute egoki leritzeketen alegazioak aurkezteko. Aipatutako epean alegazio espresik jaso ezean, proposamenak onartutzat joko dira eta alegatzeko eskubidea bertan behera geratuko da.

Behin betiko ebazpena:

Epea hau iraganik, IAEk aurkeztutako alegazioak helaraziko dizkio IGBBri, bertan azter daitezen eta, ondorioz, behin betiko ebazpena egiteko proposamena helaraziko dio Ikerketaren arloko Errektoreordetzari.

Kontratazio onartu zein ezesteko behin betiko ebazpena IA Eren webgunean argitaratuko da.

Behin betiko ebazpenaren aurkako errekurtsioak:

Behin betiko ebazpenak administrazio bidea agortzen du eta honako bide hauek daude beraren kontra egiteko, inola ere aldi berean erabilia:

1.- Lehenengo eta behin, aukerako berraztertze errekurtsioa aurkez dakioke ebazpena eman duen organoari berari hilabeteko epean, jakinarazpena jaso eta hurrengo egunetik kontatzen hasita.

Administrazio errekurtsio hori jarriz gero, eta errekurtsioa jarri eta hilabeteko epean ebazpen adierazirik jaso ezean, errekurtsioa administrazio isiltasuna medio ezetsi dela ulertu beharko da. Horrela gertatuz gero, hurrengo atalean adierazitako auzibidera jotzeko aukera egongo da.

Kasu horretan, administrazioarekiko auzi errekurtsioa jartzeko epea 6 hilabetekoa izango da, aukerako berraztertze errekurtsioa ezetsitzat jo eta hurrengo egunetik kontatzen hasita (Administrazioarekiko Auzien Jurisdikzioa arautzen duen uztailaren 13ko 29/1998 legearen 46. artikulua eta Administrazio Publikoaren Administrazio Prozedura Erkidearen urriaren 1eko 39/2015 Legea).

2.- Zuzenean, administrazioarekiko auzi errekurtsioa jar daiteke Bilboko Administrazio Auzietako Epaitegietan. Horretarako, 2 hilabeteko epea dago, ebazpen honen jakinarazpena jaso eta hurrengo egunetik hasita (Administrazioarekiko Auzien Jurisdikzioa arautzen duen uztailaren 13ko 29/1998 Legearen 8.3. eta 46. artikulua).

9. oinarria. KONTRATUA FORMALIZATZEA

9.1. Kontratuak formalizatu baino lehen, kontratazioen esleipendunek laguntza lortzeko alegatu dituzten betebeharrak eta merezimenduen egiazkotasuna agertu beharko dute. Egiaztatu ezin balute, Ikerketaren arloko Errektoreordetzak laguntza ukatzeko ebazpena emango du.

Dokumentazio hau agertzeko epea eman eta ezetsitako laguntzen behin-behineko ebazpenean adieraziko da.

Kontratuen adjudikaziodunek dokumentu hauek aurkeztu behar dituzte IAEn:

- a. Lan bizitzaren ziurtagiria.
- b. I. eranskinean adierazitako doktorego programan matrikulatu izanaren ordainagiria.
- c. Deialdi honen adjudikaziodun gisa dituzten betekizunak onartzeko dokumentua, tesiaren zuzendariak eta saileko/institutuko edo adskribatutako guneko zuzendariak ontzat emana.
- d. Identifikazio fitxa, datu pertsonalak, bankukoak, eta Gizarte Segurantzako afiliazio zenbakia dituena.
- e. Zinpeko aitortpena, non interesatuak adierazten duen inoiz kontrataturik egon ez dela Zientzia, Teknologia eta Berrikuntzaren 14/2011 Legeko 21. artikuluan aurreikusitako doktorego aurreko kontratu modalitatearen bidez, eta, egon baldin bada, zenbat egunez.
- f. Zereginetan hasi izanaren ziurtagiria.

Eskatutako agiriak epe barruan aurkezten ez badira, kontratuaren formalizatzeari uko egiten zaiola ulertuko da.

9.2. Aurreko atalean adierazitako baldintzak bete eta hurrengo hilabetean formalizatuko da kontratua, eta kontratuduna hilabete horretan hasiko da dagokion unibertsitate sail, institutu edo ikastegian jardunean.

Esleipenduna ez balitz agertuko adierazitako egunean kontratua sinatzeko ekitaldira edo sail, institutu edo gunean lanean hasiko, kontratuari uko egiten diola ulertuko da.

9.3. Salbuespenezko eta behar bezala justifikatutako kasuetan, Ikerketaren arloko Errektoreordeak baimena eman dezake, Total E&R Research Development enpresaren adostasunarekin, hasteko eguna gehienez sei hilabetez atzeratzeko. Atzeratzeko eskaera 9.1 oinarrian ezarritako epearen barruan aurkeztuko da.

9.4. Eskerak ebaluatzean kontuan hartu diren baldintzak aldatzen badira, alta emateko tramitea eten egingo da, edo hala dagokionean, kontratua deuseztatu egingo da.

9.5. Kontratua sinatu eta 6 hilabetera gehienez, Ikerketaren Gestioiko Zuzendaritzak (IGZ) ofizioz egiaztatuko du onuraduna I. eranskinean adierazitako doktorego programan matrikulatuta dagoela, baita tesiaren zuzendaria azkenik bertan adierazitakoa dela ere. Nolanahi ere, beste zuzendarikide batzuk sartzea baimenduko da. IAEk ofizioz eta 6 hileroko maiztasunaz baldintza hau betetzen duen ikuskatuko du, kontratuak dirauen bitartean. Bi betebeharrak hauetakoren bat bete ezean, kontratua atzera botatzeko arrazoitzat hartuko da.

10. oinarria. KONTRATATUTAKO LANGILEEN ESKUBIDEAK

10.1. Eskubidea dute sartzen diren sail, institutu edo guneen laguntza eta babes jasotzeko, tokian tokiko baliabideen neurrian, beren ikasketak eta ikerketa programak egiteko.

10.2. Kontratutakoek unibertsitateko Ikerkuntzarako Zerbitzu Orokorak (SGIker) eta beroriek hartuko dituen ikertaldearen azpiegiturak eta materiala erabili ahal izango dituzte. Era berean, eskubidea izango dute sailaren ikerketa baliabideak erabiltzeko, eta ikertaldeak bere ikerlana egiten duen ikastegiko baliabideak ere, horretarako ezarrita dauden baldintzei men eginez betiere.

11. oinarria. KONTRATATUTAKO LANGILEEN BETEBEHARRAK

11.1. I. eranskinen adierazitako doktorego programan matrikula urtero formalizatuko dute UPV/EHUren Graduondoko Batzordeak ezarriko dituen epeen barruan.

11.2. Dagokien lana sailean, institutuan edo adskribatutako gunean egingo dute.

11.3. Laguntza jasotzearekin zerikusia duten txosten, formulario eta gainerako agiriak bete beharko dituzte IAEk edo deialdia kudeatzen duten zerbitzuek hala eskatzen dietenean.

11.4. Honako deialdi honen aipamena egin beharko dute, kontratuak dirauen bitartean egingo liratekeen ikerketa jardueretatik ondorioztatuko liratekeen argitalpen eta bestelako emaitzetan.

11.5. Organo eskudunek egin ditzaketen egiaztatze eta finantza kontrol-jardueretara makurtzea, jarduera horietarako eska dezaketen edozein informazio emanaz.

11.6. UPV/EHUren titulartasuna aitortzea, eta hala badagokio eta 1. oinarrian aipatutako Total E&R Research Development enpresaren hitzarmenarekin bat etorritik, prestakuntzan ari den pertsonalak egindako ikerketa lanaren ondorioz sor litezkeen argitalpen, patente, modelo baliagarri eta jabetza intelektualeko objektuen nahiz lanen inguruan, jabetza industrial edo intelektualaren helburuko horien asmatzaile gisa egin beharreko aitortpenari betiere eutsiz.

11.7. Ikertzailearen Gutun Europarrean aurreikusitako betebeharrak orokorrak eta espezifikoak betetzea.

11.8. Doktoregoa lortuko dute legezkiekeen doktorego arautegietan aurreikusitako epeen barruan.

11.9. Jabetza intelektuala babesteari eta konfidentzialtasuna gordetzeko konpromisoei buruzko klausulak onartzea, baita UPV/EHUk eta Total E&R Research Development enpresak sinatutako eta 1. oinarrian aipatutako hitzarmenaren gainerako klausulak ere.

12. oinarria. DOKTOREGO TESIAREN ZUZENDARIAREN BETEBEHARRAK

12.1. Tesi zuzendariaren betebeharrak izango da doktoregaiari emandako laguntzaren helburua betetzen dela bermatzea, laguntza indarrean den bitartean tesia zuzendari gisa arituko delarik. Era berean, IAERI jakinarazi beharko dio tesiaren defentsa eragotziko ahal duen edozein baldintzaren berri.

12.2. IAERI jakinaraziko diote deialdi honen bidez kontratatu den pertsonalak doktore gradua lortu duela.

12.3. IAEk edo deialdiaren kudeaketan laguntzen duten zerbitzuek igortzen dizkieten txosten, formulario eta gainerako agiriak bete beharko dituzte.

13. oinarria. BATERAEZINTASUNEN ERREGIMENA

13.1. Deialdi honen bidez hautatutakoak ez du UPV/EHUrekin lan kontratu harreman egonkorrik izango, eta aldi baterako kontratu harreman hori kontratuaren iraupenari dagokion aldia igarotakoan amaituko da.

13.2. Deialdi honen kargura finantzatutako kontratuak ez dira bateragarriak kontratatutako ikertzaileek eduki ditzaketen lan kontratuekin, edo soldata izaera

duen edozein diru kopuru jasotzearekin, 3.3. oinarrian ezarritako arduraldi osoko erregimenaren ondorioz.

14. oinarria. KONTRATUAREN UKOAK, BAJAK ETA AMAIERAK

Tesi zuzendariak deialdi honen bidez kontratatutako pertsonalak egin litzakeen uko, baja eta gainerako gorabeheren berri eman beharko dio UPV/EHUren IAeri, gertatu eta hiru egunetara, kasuan kasu justifikatzeko beharko litzatekeen agiriekin batera.

Kontratatutako ikertzaileak ukoa, baja edo gorabehera jakinarazi beharko dio Irakasle-ikertzaileen arloko Errektoreordetzari.

15. oinarria. JARRAIPENA

15.1. Deialdi honen babesean kontratatutako langileek IAek edo deialdi honen kudeaketan laguntzen duten gainerako sailek edo zerbitzuek eskatutako txostenak, inprimakiak eta gainerako dokumentu guztiak bete beharko dituzte.

15.2. Oro har, dokumentu horiek deialdi honetarako argitaratzen diren ereduaren arabera beteko dira eta kontratuak indarrean ematen dituen urteetako bakoitzaren ondorengo lehenengo hilabetean aurkeztuko zaizkio IAeri.

15.3. Kontratua amaitu eta hilabeteko epean, amaierako txosten bat aurkeztuko da IAEn, kontratuaren indarraldian zer jarduera egin diren ezagutarazteko.

16. oinarria. KONTRATUEN ETETEA

Lan kontratua ondorengo arrazoietakoa batengatik etengo da:

- a. Kontratuak berak uko egitea.
- b. Kontratuaren indarraldia amaitzea.
- c. I. eranskinean adierazitako doktorego programan matrikulatutako pertsonaren izaera galtzea.
- d. Laguntza emateko aintzat hartutako betebeharrak bete ez edo baldintzak aldatzea, barne izanik doktorego programako matrikula edo I. eranskinean adierazitakoa ez den beste tesi zuzendari batekin aritzea, IAeren berariazko baimenik gabe. Nolanahi ere, baimenduko da zuzendarikideak sartzea UPV/EHUK ezarritako prozeduren arabera, baldin eta tesi zuzendariak eta Total E&R Research Development enpresak onartzen badute.
- e. Tesi zuzendariak eta doktorego programaren arduradunak hala eskatuta, tesi zuzendariak eta doktorego programaren arduradunak abalaturako txostenak arazoituz gero.
- f. Laguntza ezeztatzea, eginbeharrak ez betetzeagatik, edo laguntza ematerakoan aintzat hartu ziren baldintzak aldatzeagatik.
- g. Gerora sortutako bateraezintasunen batengatik.
- h. Laguntzarako aurrekontu-krediturik ez dagoelako.
- i. Doktore titulua eskuratzea. Doktore titulua lortzeak laguntzaren helburua baliogabetzea eragingo du eta, ondorioz, laguntza eskubideak bertan behera amaitzea. Horrelakoetan, laguntzaren amaieraren ondorio administratibo eta ekonomikoak doktorego tesiaren defentsa egin eta hurrengo hilaren lehenengo egunean hasiko dira.
- j. UPV/EHUK eta Total E&R Research Development enpresak sinatutako hitzarmena, 1. oinarrian aipatutakoa, salatzea.

AZKEN XEDAPENETATIK LEHENA

Deialdi honek administrazio bidea agortzen du eta honen kontra administrazioarekiko auzi errekurtsioa jar daiteke Bilboko Administrazio Auzietako Epaitegietan, bi hilabeteko epean deialdia argitaratzen den egunetik kontatzen hasita. Hala izanik ere, aukerazko birjartze errekurtsioa jarri ahal izango da ebazpena

argitaratu eta hilabetearen epean Ikerketaren arloko Errektoreordearen aurrean, 39/2015 legearen 123. artikularekin bat etorrita.

AZKEN XEDAPENETATIK BIGARRENA

Honako deialdi hau Ikerketaren arloko Errektoreordetzaren webgunean argitaratzerakoan sartuko da indarrean.

Leioa, 2018ko urtarrilaren 16an

JOSÉ LUIS MARTÍN GONZÁLEZ
Ikerketaren arloko Errektoreordea
Vicerrector de Investigación

I. ERANSKINA

ESKAERAREN IKERKETA PROIEKTUAK

Izenburua: FLUIDO HIDROTERMALEN INPAKTUA RIFT MOTAKO EUSKO KANTAUARIAR ARRO HIPERHEDATUAREN EKIALDEAN ETA HAIEN ONDORIOAK INBERTSIO FASEAN

Zuzendaria: Arantxa Bodego Aldasoro doktorea

Doktorego programa: Kuaternarioko doktorego programa: Ingurugiro Aldaketak eta Giza Oinatza

Laburpena: Berriki frogatu da fluido hidrotermalek duten inpaktua arro sedimentarioetan, bai estentsiboetan, bai konprentsiboetan. Hala ere, oraindik ez da aztertu haien eragina fazies sedimentarioen metaketan eta horien diagenesian, ezta arro sedimentario horien bilakaera estentsiboan eta/edo konprentsiboan ere. Gai horiek azter daitezke Eusko-kantauriar arroaren ekialdean, Mendebaldeko Pirinioetan. Bertan, mineralizazioak ugari dira Goi/Behe Kretazeoko harkaitzetan. Dena den, material horiek ez dira ikuspegi horretatik aztergai izan oraindik.

Azterlan honen helburua da mineralizazioen banaketa eta aroa estratigrafikoki ezaugarritzea. Horri esker, errazago ezarriko da haien mineralizazio-testuingurua (estentsiboa eta/edo konprentsiboa) eta, horrenbestez, metaketa-inguruneetan duten inpaktua, fazies ahokatzaileen sedimentologia-azterlanaren bidez. Azkenik, mineralizazioen azterlan geokimikoak informazioa emango du fluidoaren jatorriari, egitura-elementu nagusiekin duten loturari eta arroaren bilakaeran izan lezaketen inpaktuari buruz.

II. ERANSKINA

KONTRATAZIO ESKAERA EGITEKO FORMULARIOA DOKTOREGO TESI BAT EGITEKO UPV/EHU-REN ETA TOTAL E&R RESEARCH DEVELOPMENT ENPRESAREN ARTEKO LANKIDETZA HITZARMENAREN ESPARRUAN

ESKATZAILEA			
IZENA		NAN/IFZ/PASAPOR	
ABIZENAK:			
Nazionalitatea		Generoa (G/E)	
Jaioteguna			
Helbide partikularra			
Herria		Posta kodea	
Telefonoa		E-mail:	

Behean sinatzen duenak adierazten du ezagutzen duela doktorego tesiak egiteko kontratazio Deialdiaren testua UPV/EHUren eta Total E&R Research Development enpresaren arteko lankidetza hitzarmenaren esparruan eta bera dela eskaera honetan adierazitako datuen egiazkotasunaren erantzule. Eskaera hau aurkeztean, interesatuak adierazten du baimendu egiten duela emandako informazioa datuen tratamendu automatizaturako UPV/EHUk duen fitxategian sartzeko, eta eskubidea duela une oro datu horietan sartu, haien edukia zuzendu edo baliogabetzeko, azken kasu honetan aurkeztutako eskaerari uko egiten diola ulertzen delarik.

Lekua eta data:

Eskatzailearen sinadura